

唐
音
統
籤

丁籤十八李端之二

唐音統籤卷

十一

五言律詩一

關山月

露濕月蒼蒼關頭榆葉黃
廻輪照海遠分彩上樓
長水凍頻移幕兵疲數望鄉
祇應城影外萬里共
胡霜

度關山

鴈塞日初晴孤關雪復平
危樓

一作

緣廣漠古

傍長城拂劍金星出
彎弧玉羽鳴誰知係虜者
賈誼是書生

巫山高和皇甫拾遺

紀事云翼路有飛泉寺詩板百餘篇薛能嘗過

此悉去諸板唯留端此篇

巫山十二峰

一作重

皆在碧虛中迴合雲藏日霏微

雨帶風猿聲寒度水

一作過澗

樹色暮連空愁向高唐

望清秋見楚宮

雨雪曲

天山一丈雪雜雨夜霏霏濕馬胡歌亂經烽漢火
微丁零蘇武住疎勒范羗歸若着關頭下長榆葉
定稀

春遊樂

柝聲連錢馬銀鈎倭僮鬟摘桑春陌上踏草夕陽
間意合辭先露心誠貌却閑明朝若相憶雲雨出
巫山

早春夜望

舊雪逐泥沙新雷發草芽曉霜應傍鬢夜雨莫催
花行矣前途晚歸與故國賒不勞報春盡從此惜
年華

宴伊東岸

晴洲無遠近一樹一潭春芳草留歸騎朱櫻擲舞
人空花對酒落小翠隔林新竟日皆攜手何由遇

此辰

雨後遊輞川

驟雨歸山盡，頽陽入輞川。
看虹登晚墅，踏石過春泉。
紫萼藏仙井，黃花出野田。
自知無路去，迴步就人煙。

雲際中峰居喜見苗發

一作祖
詠

自得中峰住，深林亦閉關。
經秋無客到，入夜有僧還。
暗澗泉聲小，荒村樹影閑。
高窗下可望，星月滿空山。

宿興善寺後池

草堂高樹下月向後池生野客同一作如僧靜新荷
共水平錦鱗沉不食繡羽亂相鳴卽事思江海誰
能萬里行

晚次巴陵

雪後柳條新巴陵城下人烹魚邀水客載酒莫山
一作江神雲去低一作歸斑竹波迴一作風來動白蘋不堪
逢楚老日暮正江春

曉發瓜洲

曉發悲行客停橈獨未前寒江半有月野戍漸無
煙棹唱臨高岸鴻嘶發遠田誰知避徒御對酒一

清然

宿洞庭

白水連天暮洪波帶日流
風高雲夢夕月滿洞庭秋
沙上漁人火煙中賈客舟
西園與南浦萬里共悠悠

過宋州

睢陽陷虜日外絕救兵來
世亂忠臣死時清明主
哀荒郊春草遍故壘野
花開欲爲將軍哭東流水
不迴

邊頭作

郊外泉脉動落日上城樓
羊馬水草足羗胡帳幕
稠射鵬過海岸傳箭怯遼州
何事歸朝將今年又
拜俟

宿山寺思歸

僧房秋雨歇愁臥夜深欹枕聞鴻鴈
迴燈見竹林歸螢入草盡落月映窓沉
拭淚無人覺長謠向
壁陰

江上賽神

疎鼓應繁絲送神歸九疑蒼龍隨赤鳳
帝子上天
時驟雨歸山疾長江下口遲獨憐遊宦子
今夜泊

天涯

山中期吉中孚

行人路不同
花落到山中
水暗蒹葭霧
月明楊柳風
年華驚已擲
志業颯然空
何必龍鍾後
方期事遠公

山中期張芬不至

石古一作堤春草碧
雙燕向西飛
悵望雲天暮
佳人何處歸
藥欄蟲網遍
苔井水痕稀
誰道嵇康嬾
山中自掩扉

慈恩寺曉上人房招耿拾遺

悠然對惠遠共結故山期
汲井樹陰下閉門亭午
時地開花落厚石淺水流遲
願與神仙客同來事
本師

與鄭錫遊春

東門垂柳長颺首獨心傷
日暖臨芳草天晴憶故鄉
映花鶯上下過水蝶飛揚
借問同行客今朝淚幾行

茂陵山行陪金部韋員外

一作韋
詠誤

宿雨朝來歇空山天氣清
盤雲雙鶴下隔水一蟬鳴
古道黃花落平蕪赤燒生
茂陵雖有病猶得伴

君行

茂陵村行贈何兆

春天黃鳥轉野迳白雲閑解帶依芳草支頤想故
山人行九州路樹老五陵間誰道臨邛遠相如自
憶還

同苗發慈恩寺避暑

追涼尋竇利畏日望璇題臥草同鴛侶臨池似虎
溪樹閑人跡外山晚鳥行西若問無心法蓮花隔
淤泥

同苗員外宿薦福寺

安仁秋興動涼夜宿僧房倚杖雲離月垂簾竹有
霜迴風吹一作生遠迥墮葉飄長廊一與交親會空
貽別後傷

早春夜集耿拾遺宅

如何逋客會忽在侍臣家新草猶停雪寒梅未著
花街盃雞欲唱逗月鴈應斜年齒俱顛顚誰堪故
國賒

冬夜集張尹後園

垂龜兼戴豸白面映朱衣安石還頻起泉明不得
歸鷹門常吏在登席舊寮稀遠客長先醉那知亞

相威

夜宴號縣張明府宅逢宇文評事

號田留古宅入夜足秋風月影來牕裏燈光落水中
徵詩逢謝客飲酒得陶公更愛疎籬下繁霜濕
菊叢

題崔端公園林

上士愛清輝開門向翠微抱琴看鶴去枕石待雲
歸野坐苔生席高眠竹挂衣舊山東望遠惆悵暮
花飛

題鄭少府林園

謝家今日暖詞客願抽毫
櫪馬方廻影池鷺正理
毛竹筒傳水遠塵尾坐
僧高獨有雷宗賤過君
着弊袍

題從叔沆林園

阮宅閑園暮
牕中見樹陰
樵歌依遠草
僧語過長林
鳥上花間井
人彈竹裏琴
自嫌身未老
已有住山心

同皇甫侍御題惟一上人房

焚香居一室
盡日見空林
得道輕年暮
安禪愛夜深
東西皆是夢
存沒豈關心
唯羨諸童子
持經在

竹陰

早春會王逢主人

得逢字

今年華鬢色半在故人中
欲寫無窮恨先期一醉同
綠叢猶覆雪紅萼已凋風
莫負歸山契君看陌上蓬

逢王泌自東京至

逢君自鄉至雪涕問田園
幾處生喬木誰家在舊村
山峯橫二室水色映千門
愁見游從處如今花正繁

岳陽逢司空文明得關中書

共有數年故相逢
萬里餘新春兩行淚
舊國一封書
夏口帆初泊
潯陽鴈正踈
唯應執杯酒
暫食鱸江魚

江上喜逢司空文明

秦人江上見握手
淚沾巾落日見秋草
暮年逢故人
非大長作客多病
淺謀身臺閣舊親友
誰曾見苦辛

喜皇甫郎中拜諭德兼集賢學士

爲郎三載後
龍命一朝新
聖苑遷詞客
儒林拜丈人
鶯飛綺閣曙
柳拂畫堂春
幾日調金鼎
諸君歆

望塵

奉和元丞侍從遊南城別業

垂朱領袖千機翼在地塘獻壽回龜顧和羹躍鯉
香高松先草晚平石助泉涼餘補期相及門生有
隆郎

訓秘書元丞鄧園臥疾見寄

聞說漳濱臥題詩怨歲華求醫主高手執疾到貧
家徹枕銷行蟻移杯失畫蛇明朝九衢上應見玉
人車

酬晉侍御見寄

野客蒙詩贈殊恩欲報難本求文舉識不在子真
官細雨雙林暮重陽九日寒貧齋一叢菊願與上
賓看

酬前大理評事張芬

君家舊林壑寄在亂峰西近日春雲滿相思路亦
迷聞鐘投野寺待月過前溪悵望成幽夢依依識
故蹊

旅舍對雪贈考功王員外

楊花驚滿路麴市忽在風驟下搖蘭葉輕飛集竹
叢欲將瓊樹比不共玉人同獨望微之棹青山在

雪中

書志贈暢當 并序

余少尚神仙且未能去友人暢當以禪門見導余心知其是而未得其門因寄詩以奉焉

少喜神仙術年來已蹉跎壯志一爲累浮生事漸多
衰顏不相識歲暮定相過請問宗居士君其柰老何

聞吉中孚還俗因而有此贈

聞道華陽客儒衣謁紫微舊山連藥賣孤鶴帶雲歸
柳市名猶在桃源夢已稀還家見鷗鳥應媿背船飛

贈故將軍

平生在邊日鞍馬若星流獨出間千里相知滿九州
恃功凌主將作氣見王侯誰道廉頗老猶能報遠讎

贈趙神童

聖朝殊漢令才子少登科每見先鳴早常驚後進多
獨居方寂寞相對覺蹉跎不是通家舊頻勞交舉過

贈李龜年

青春事漢主白首入秦城
題識才人字多知舊曲

名風流隨故事語笑令新聲獨有垂楊樹偏傷日暮情

宿雲際寺贈深上人

暫別青藍寺今來髮欲斑獨眠孤燭下風雨在前山
壞宅終須去空門不易還支公有方便一願啓玄關

贈衡岳隱禪師

舊住衡州寺隨緣偶北來夜禪山雪下朝汲竹門開
半偈傳初盡羣生意未迴唯當與樵者杖錫入天台

代村中老人荅

京洛風塵後村鄉煙火稀少年曾失所衰暮欲何
依夜靜臨江哭天寒踏雪歸時清應不見言罷淚
盈衣

憶皎然上人

未得從師去人間萬事勞雲門不可見山木已應
高向日開柴戶驚秋問弊袍何由宿峯頂憶裏望
波濤

秋日憶暎上人

從持鉢別更未到人間好靜居貧寺遺名奔近

唐詩續集
山雨前經百衲葉下閉重關若使潯陽去須將舊
客還

與蕭遠上人遊少華山寄皇甫侍御

尋危兼採藥渡水又登山獨與高僧去逍遙落日
間漸看間里遠自覺性情閑題首知音在因令
望還

宿華陽洞寄元稱

一作寄
真桐

花洞晚陰陰仙壇隔杏林漱泉春谷冷構藥夜寒
深石上開仙酌松間對玉琴戴家溪北住雪後去
相尋

宿山寺雪夜寄吉中孚

獨愛僧房竹春來長到池雲遮皆晃朗雪壓半低
垂不見侵山葉空聞拂地枝鄙夫今夜興唯有子
猷知

晚秋旅舍寄苗員外

爭途苦不前貧病遂連牽向暮同行客當秋獨長
年晚花唯有菊寒葉已無蟬吏部注今日還應癯
下眠

宿瓜洲寄柳中庸

懷人同不寐清夜起論文月魄正出海鴈行斜上

雲寒朔來灑灑秋葉下紛紛便送江東去徘徊祇待君

早春雪夜寄盧綸兼呈祕書元丞

聞君隨謝朓春夜宿前川看竹雲垂地尋僧雪滿船
熊寒方入樹魚樂稍離泉獨是羈愁客唯知惜故年

冬夜寄韋弁

一作秋夜寄司空文明

獨坐知霜下開門見木衰壯應隨日去老豈與人期
廢井蟲鳴早陰堦菊發遲興來空憶戴不似剡溪時

歸山居寄錢起

悵望青山下，迴頭淚滿巾。
故鄉多古樹，落日少行人。
髮鬢將回色，簪纓未到身。
誰知武陵路，亦有漢家臣。

晚遊東田寄司空文明

暮來思遠客，獨坐在東田。
片影無妨雨，殘虹不映天。
別愁逢夏果，歸興入秋蟬。
莫作隳官意，陶潛未必賢。

晚夏聞蟬寄廣文

作郎士元詩誤

昨日始聞鶯，今朝蟬又鳴。
朱顏向華髮，定是幾年

月音和
程故國白雲遠閑居青草生因垂數行淚書報十
年兄

臥病寄閻察

病中貪好景強步出幽居紫葛垂山徑黃花繞野
渠荒林飛老鶴敗堰過遊魚縱憶同年友無人可
寄書

臥病寄苗員外

故人初未貴相見得淹留一自朝天去因成計日
遊月明應獨醉葉下肯同愁因恨劉楨病空園臥
見秋

寄暢當

麥秀草芊芊幽人好晝眠雲霞生嶺上猿鳥下林
前顏子方敦行支郎久住禪中林輕暫別約略已
經年

寄王密卿

酒樂今年少僧期近日頻買山多爲竹卜宅不緣
貧志業歸初地文章寄此身稽康雖有病猶得見
情人

寄上舍人叔

車馬朝初下看山憶獨尋會知逢水盡且愛入雲

深殘雨開斜日新蟬發迥林阮咸雖別巷遙識此時心

丁籤十八李端之三

唐音統籤卷

十二

五言律詩二

送銅澤王歸城

昔聞公族出其從亦高車爲善唯求樂分貧必及
疎身承漢枝葉手習魯詩書尚說無功德三年在
石渠

奉送宋中丞使河源

東周遣戍役才子欵離羣部領河源去悠悠龍水
分笳聲悲塞草馬首度關雲辛苦逢炎熱何時及
漢軍

送夏中丞赴寧國任

楚縣入青楓長江一派通板橋尋謝客古邑事陶公
片雨收山外連雲上漢東陸機猶滯洛念子望南鴻

送耿拾遺潭江外括圖書

驅傳草連天回風滿樹蟬將過夫子宅前一作前亦
孝廉船漢史收三篋周詩採百篇別君終有淚不
是怨流年

送郭補闕歸江陽

東門春尚淺楊柳未成陰馬影愁斜日鶯聲怨故

林隋宮江上遠梁苑雪中深獨有懷歸客難爲
別心

送雍郢州

厭郎思出守遂領漢東軍望月逢殷浩緣江送范
雲城閑煙草遍浦迥雪林分誰伴樓中宿吟詩佐
客聞

送陸郎中歸田司空幕

漢家分列宿東土佐諸侯結束還軍府光輝過御
溝農桑連紫陌分野入青州覆轍感恩難報西看
白頭

都亭驛送郭判官之幽州幕府

幕府參戎事，景明伏素歸。
都亭使者出，孟酒故人違。
細雨官騎輕，風拂客衣還。
從大夫後，吾黨亦光輝。

送郭參軍赴絳州

登車君莫望，故絳柳條春。
蒲澤逢胡鴈，桃源見晉人。
佐軍髯尚短，擲地思還新。
小謝常攜手，因之醉路塵。

送朱校書赴宣州幕

浮舟壓芳草，容裔逐江春。
遠避看書吏，行當入幕人。

宿夜潮衝老樹曉雨破輕蘋鴛鴦多傷別樂家德
在人

送鄭侍御赴洪州

草色隨驄馬悠悠共出秦水傳雲夢曉山接洞庭
春帆影連三峽猿聲在四隣青門一分手難見杜
陵人

送古之奇赴安西幕

疇昔十年兄相逢五校營今宵舉杯酒隴月見軍
城候火經陰絕邊人接曉行殷勤送書記疆場幾
時平

送成都韋丞還蜀

蜀門雲樹合，高棧有猿愁。
驅傳加新命，之官向舊遊。
晨裝逢酒雨，夜夢見刀州。
遠別長相憶，當年莫滯留。

送從舅成都丞廣南歸蜀

一作盧綸

巴字天邊水，秦人去是歸。
棧長山雨響，溪亂火田稀。
俗富行應樂，官雄祿豈微。
魏舒終有淚，還濕舊家衣。

送王羽林往秦州

秦州貴公子，漢日羽林郎。
事主來中禁，榮親上北

堂轎車花擁路寶劍雪生光直掃三邊靖承恩向
建章

送別駕赴晉陵郎舍人叔之兄

諸宗稱叔父從子亦光輝謝眺中書直王祥別乘
歸江帆衝雨上海樹隔潮微兩阮貧無酒唯將淚
濕衣

送從兄赴洪州別駕兄善琴

援琴兼愛竹遇夜在湘沅鶴舞月將下烏啼霜正
繁亂流喧橘岸飛雪暗荆門佐郡無辭屈其如相
府恩

送竇兵曹

梨花開上苑遊女著羅衣
聞道情人怨應須走馬
歸御橋遲日暖官渡早鶯稀
莫遺佳期過看看胡蝶飛

送友人宰湘陰

從宦舟行遠浮湘又入閩
蒹葭無朔鴈桎梏有蠻
神傳吏閑調象山精暗訟人唯須
千樹橘暫救李衡貧

送新城戴叔倫

遙想隋堤路春天楚國情
一作晴白雲當海斷青草

隔淮生鴈起斜還直潮回遠復平萊蕪不可到
醉送君行

送樂平苗明府

得家字

本是求彭澤誰云道里賒山從石

一作古

壁斷江向

弋陽斜暮色隨楓樹雲陰暗荻花諸侯舊調鼎應
盡宰臣家

送雍丘任少府

叢車餞才子路走許東偏遠水同春色繁花勝雪
天鳥行侵楚邑樹影向殷田莫學生鄉思梅真正
少年

送單少府赴扶風

少年趨盛府顏色比花枝
范巧非童子楊修豈小兒
叨陪丈人行常恐阿戎欺
此去雲霄近看君逸足馳

送王少府遊河南

馬卿方失意東去謁諸侯
過宋人應少遊梁客獨
愁烏翻千室暮蟬急兩河
秋僕本無媒者因君淚亦流

送黎少府赴陽翟

詩禮稱才子神仙事丈人
玉山那惜醉金谷已無

春白馬如風疾青袍奪草新不嫌鳴吠客願用百年身

送諸暨裴少府此公先人元相公判官

山公訪嵇紹趙武見韓侯事去思猶在名成淚却流
一官同北去千里赴南州才子清風後無貽相府憂

送義興元少府

逢君惠連第初命便光輝已得羣公祖終妨太傅
議路長人反顧草斷驚迴飛本是江南客還同衣
錦歸

送楊少府赴陽翟卽舍人之弟

冠帶仁兄棧光輝壽母前陸雲還入洛潘岳更張
筵井邑嵩丘對園林潁水連東人歡相送旅舍已
潯然

送丁少府往唐上

因君瀾陵別故國一迴看共食田文飯先之梅福
官江風傳日暮山月滿潮聲不轉同舟望淹留歲
月闌

送張少府赴夏縣

雖爲州縣職還欲抱琴過樹古聞風早山枯見雪

多鷄聲連絳市馬色傍黃河太守新臨郡還逢五
袴歌

送趙給事姪尉丹陽

太傅憐羣從門人亦賤回入官先愛子賜酒許同
杯淮海春多雨蒹葭夜有雷遙知拜慶後梅尉稱
仙才

送袁稠遊江南

江南衰草遍十里見長亭客去逢搖落鴻飛入杳
冥空城寒雨細深院曉燈青欲去行人起徘徊恨
酒醒

送夏侯審遊蜀

西望煙綿樹愁君上蜀時
同林息商客隔棧見
師石滑羊腸險山空杜宇悲
琴心正幽怨莫奏鳳凰詩

送客赴江陵寄郢州郎士元

露下晚蟬愁詩人舊怨秋
沉湘莫留滯宛洛好遨遊
飲馬逢黃菊離家值白頭
竟陵明月夜爲上庠公樓

送客赴湘江

識君年已老孤棹向瀟湘
素髮臨高鏡清晨入遠

鄉三山分夏口五兩映潯陽更逐巴東客南行淚
幾行

送友人遊江東

江上花開盡南行見杪春鳥聲悲古木雲影入通
津返景斜連草迴潮暗動蘋謝公今在郡應喜得
詩人

送友人南遊

聞說湘川路年年古木多猿啼空峽雨月照洞庭
波窮海人還去孤城鴈共過青山不可到一作不
同賞
來往自蹉跎

送友人遊蜀

嘉陵天氣好百里見雙流
帆影綠巴字鍾聲出漢
州綠原春草晚青木暮猿愁
正是風流地遊人易
白頭

送友人入關

聞君帝城去西望一沾巾
落日見秋草暮年逢故
人非才長作客有命懶謀身
近更嬰衰疾空思老
漢濱

送張芬歸江東兼寄柳中庸

共是天涯客偏傷木落時
如何故國見更欲異鄉

期鳥暮東西急
陂寒上下遲
空將滿眼淚
千里想相思

送丘丹歸江東

故山霜落久
才子憶荆扉
旅舍尋人別
秋風逐鴈歸
憂愁楓葉盡
醉惜菊花稀
肯學求名者
經年未拂衣

送元晟歸江東舊居

澤國舟車接
關門雨雪垂
春天行故楚
夜月下清淮
講易居山寺
論詩到郡齋
蔣家人暫別
一路草連階

送司空文明歸江上舊居

野菊有芳花送君千里還鴻來鷺又去離別惜容
顏流水通歸夢行雲失故關江風正搖落宋玉莫
登山

送戴徵士還山

柔柔錦臆雉相送到煙霞獨隱空山裏開門幾樹
花草生楊柳岸鳥囀竹林家不是謀生拙無爲末
路嗟

送友人還洛

去國渡關河蟬鳴古樹多平原正超忽行子復嗟

跼去事不可想舊遊難再過何當嵩岳下相見在
煙蘿

送表丈楊皞擢第歸江東

隋堤望楚國江上一歸人綠柳千檣暮青楓萬里
春試才初得桂泊渚肯傷蘋拜手終悽愴恭承中
外親

元承宅送朝儻及第歸江東覲省

登龍兼折桂歸去當高車舊楚楓猶暗前隋柳已
疎月中逢海客浪裏得鄉書見說江邊住知君不
厭魚

送吉中孚拜官歸

南入華陽洞鑰人古樹寒吟詩開舊訣帶綬上蓬
壇因病求歸易霑恩更隱難孟宗應獻鮮家近守
漁官

送黎兵曹往陳府結婚

東方發車騎君是上頭人冀鴈逢良日行媒及仲
春特稱渡河婦宜配坦牀賓安得同門吏揚鞭入
後塵

送潘述宏詞下第歸江外

唱高人不和此去淚難收上國經年住長江滿目

流奕基知勝偶射策請焚舟應是田
玄成詩
爾遊

送衛雄下第歸同州

不才先上第詞客却空還邊地行人少平蕪盡日
開一蟬陂樹裏聚火隴雲間羨汝歸茅屋書窓見
遠山

送何兆下第還蜀

重江不可涉孤客莫晨寒高木莎城小殘星棧道
長裊猿楓子落過雨荔枝香勸爾成都住文翁有
學堂

送魏廣下第揚州覲省

遊宦今空返浮淮一鴈秋白雲陰澤國青草遶揚州
調膳過花下張筵到水頭崑山仍有玉歲晏莫淹留

送張淑歸覲叔父

日慘長亭暮天高大澤閑風中聞草木雪裏見江山
馬向塞雲去人隨古道還阮家今夜樂應在竹林間

送鄭省入蜀迎覲

寧親西陟險君去異王陽在世誰非客還家卽是

丁籤十八李端之四

唐音統籤卷

二百五十三

五言律詩三

將之澤潞留別王郎中

弱年知已少前路主人稀
貧病期相借艱難又憶
歸事成應未卜身賤又無機
幸到龍門下須因翼飛

江上別柳中庸

秦人江上見握手便霑衣
近日相知少往年親故
稀遠遊何處去舊業幾時歸
更向巴陵宿堪聞鴈北飛

月三
卷五
七
秋日旅舍別司空文明

涼風颯窮巷秋思滿同雲吏隱俱不就此心仍別
君素懷宗滄泊羈旅念功勳轉憶西林寺江聲月
下聞

臥病別鄭錫

病來無事喜多臥竹林間此日一相見明朝還掩
關幽人愛芳草志士惜頽頽歲晏不我弃期君在
故山

歸山與友人別

野客本無事此來非有求煩君徵樂餞未免憶山

愁紅燭侵明月青蛾
白頭童心久已盡豈爲
歌留

留別故人

此別不可道此心當語誰
春風灞水上飲馬桃花
時誤作好文士祇應遊宦
遲留書下朝客我有故
山期

代宗挽歌

祖庭三獻罷嚴衛百靈朝
警蹕移前殿宮車上渭
橋寒霜凝羽葆野吹咽笳
簫已向新京兆誰云天
路遙

張左丞挽歌二首

禍集鉤方失災生劒忽飛無由就日拜空憶向天
歸門吏看還葬宮官識賜衣東堂哀贈畢從此故
臣稀

素旆低寒水清笳出曉風鳥來傷賈傅馬立葬滕
公松柏青山上城池白日中一朝今古隔唯有月
明同

奉和王元二相公於中書東廳避暑悽然懷
杜太尉

艱難常共理海晏更相悲況復登堂處分明避暑

時綠槐千穗綻紅藥一番遲
蓮華今何幸先朝大雅詩

青龍寺題故曩上人房

遠公留故院一徑雪中微
童子逢皆老門人問亦稀
翻經徒有處携履遂無歸
空念尋巢鶴時來傍影飛

韋貞外東齋看花

入花凡幾步此樹獨將留
發艷紅枝合垂煙綠水
幽併開偏覺好未落已成愁
一到芬菲下空貽兩鬢秋

單推官驢前雙桐詠

封植因高興孤貞契素期由來得地早何事結花遲
葉重凝煙後條寒過雨時還同季家樹爭賦角弓詩

宿深上人房聽遠泉

泉聲宜遠聽入夜對支公斷續來方盡潺湲咽又通
何年出石下幾里在山中君問源窮處禪心與此同

山下泉

碧水映丹霞濺濺度

一作露

淺沙暗通山下草流出

洞中花素

一作淨

色和雲落寒聲遶石斜明朝更

去應到阮郎家

五言小律

夜尋司空文明逢深上人因寄晉侍御

鶴裘叩竹杖語笑過林中正是月明夜陶家見遠
公自嫌山客務不與漢官同

病後遊青龍寺

病來形貌穢齋沐入東林境靜聞神遠身羸向道
深芭蕉高自折荷葉大先沉

與苗員外山行

古人留路去今日共君行若待青山盡應逢白髮
生誰知到蘭若流落一書名

東門送客

綠楊新草路白髮故鄉人既壯還應老避梁復滯
秦逢花莫漫折能有幾多春

白鷺詠

迴起來應近高飛去自遙映林同落雪拂水狀翻
潮猶有幽人興相逢到碧霄

題山中別業

舊宅在山中開門與寺通往來黃葉路交結白頭

翁晚笋難成竹秋花不滿叢

以下二首疑
缺末二句

五言排律

塞上

一作盧
綸詩

二十在邊城軍中得勇名
卷旗收敗馬斷續擁殘
兵覆陣烏鳶起燒山野火明
塞閑思遠獵師老厭
分營雪嶺無人跡冰河足鴈聲
李陵甘沒此惆悵

送從叔赴洪州

榮家兼佐幕叔父似還鄉
王粲名雖重郊超聳未
長鳴橈過夏口歛笏見潯陽

漢公卿

暮春尋終南柳處士

麗眉一居士鶯服隱堯時種荳初成畝還丹舊有
師入溪花逕遠向嶺鳥行遲紫葛垂苔壁青菰映
柳絲偶來塵外事暫與素心期終恨遊春客同爲
歲月悲

雪夜尋太白道士

雪路夜朦朧尋師杏樹東石壇連竹靜醺火照
紅再拜開金籙焚香使玉童蓬瀛三島至天地
壺通別客曾留藥逢舟或借風出遊居鶴上避禍
入羊中過洞偏廻首登門未發蒙桑田如可見滄

海幾時空

下第上薛侍郎

蓬華春風起開簾却自悲如何飄梗處又到採蘭
時明鏡方重照微誠寄一辭家貧求祿早身賤報
恩遲幸得皮存矣須勞翼長之銘肌非厚荅肉骨
是前期縱覺新人好寧忘舊主疑終慙太丘道不
爲小生私

長安感事呈盧綸

十五事文翰大兒輕孔融長裾遊邸第嘯傲五侯
中諫獵一朝寢論邊素木工蹉跎潘鬢至蹭蹬阮

居業錄
途窮貸布憐寧與無金命未通王陵固似慙郭景
遂非雄歛板辭群彥回車訪老農詠詩懷洛下送
客憶山東沈病魂神濁清齋思慮空羸將衛玠比
冷共鄴侯同草舍纔避雨荆窓不礙風黎敎通子
守酒是遠師供捫虱欣時泰迎猫達歲豐原門唯
有席并飲但加葱少壯矜齊德高年覺宋聾寓書
先論懶讀易反求蒙昔暮能鳴鴈今憐半死桐秉
心猶似矢搔首忽如蓬赤葉翻藤架黃花蓋菊叢
聊將呈匠伯今已學愚公

和秘書元丞杪秋憶終南舊居

高門有才子能履古人蹤白社陶元亮青雲阮仲
容山園忽歸去車馬杳難逢廢巷臨秋水支頤向
暮峰行魚避楊柳驚鴨觸芙蓉石竇紅泉細山橋
紫菜重鳳雛終食竹鶴侶暫巢松願接煙霞賞羈
離計不從

謝前駕部員外郎苗發

馬融方直枕閣簡復持鉛素業高風繼青春壯思
全論文多在夜宿寺不虛年自署區中職同荒郭
外田山隣三徑絕野意八行傳煮玉矜新法留符
識舊仙涵苔興溜殘搖浪竹橋懸複洞潛棲鷺跡

楊半騎蟬訴歌雖有和雲錦獨成妍應以馮唐老
相譏示此篇

謝丘拱牋甥覽余舊文見寄

丘運本才子始冠卽周旋舅乏鄰鑒愛君如衛玠
賢禮將金友等情向玉人偏鄙俗那勞似龍鍾却
要憐投壘聊取笑贈綺一何妍野坐臨黃菊溪行
踏綠錢巖高雲反下洞黑水潛穿僻嶺猿偷栗枯
池鴈暖蓮身居霞外寺思發月明田猶恨縈塵網
昏昏過歲

奉贈苗員外

朱戶敞高扉青槐礙落暉八龍承慶重三虎近朝
歸坐竹人聲絕橫琴鳥語稀花慙潘岳貌年稱老
萊衣葉暗新櫻熟絲長粉蝶飛應憐魯儒賤空與
故山違

贈岐山姜明府

昨夜聞山雨歸心便似遲幾回驚葉落卽到白頭
時鴈影將魂去蟲聲與淚期馬卿兼病老宋玉對
秋悲謝客纔爲別陶公已見思非關口腹累自是
雪霜姿釀酒裁黃菊炊稷折綠葵山河方入望風
日正宜詩牧豎寒騎馬邊烽晚立旗蘭凋猶有氣

柳脆不成絲別後如相問高僧知所之

晚春過夏侯校書過其沉醉戲贈

欹冠枕如意獨寢落花前姚馥清時醉邊韶白日
眠曝視還當屋張幕便成天調客唯題鳳倫兒欲
覘甌失盃猶離席墜屢返登筵本是墻東隱今爲
甕下僊臥龍髯乍磔栖蝶腹何便阮籍供琴韻陶
潛送秫田人逢穀陽豎春似永和年顧我非工飲
期君行見憐嘗知渴羌好亦覺醉胡賢炙熟樽方
竭車回轡且全暎風仍作雨灑地卽成泉自鄙新
豐過遲迴惜十千

長安書事寄盧綸

弱冠家盧岳從師歲月深
翻同老夫見殊寡少年
心及此時方晏因之名亦沉
趨途非要路避事樂
空林素業在山下
清泉當樹陰交游有凋喪離別
代追尋向秀初聞笛鍾期久罷琴
殘愁猶滿貌餘
淚可沾襟勿以朱顏好而忘白髮侵
終期入靈洞
相與鍊黃金

遊終南山因寄蘇奉禮士尊師苗員外

半嶺逢仙駕清晨獨採芝
壺中開白日霧裏卷
旗猿鳥知歸路松蘿見會時
雞聲傳洞遠鳥語報

唐音續集
家遲童子閑驅石樵夫樂看碁依稀醉後拜恍惚
夢中辭海上終難接人間益自疑風塵甘獨老山
水但相思願得燒丹訣流沙永侍師

得山中道友書寄苗錢二員外

有謀皆載軻非病亦遲迴壯志年年減馳輝日日
催還山不及伴到闕又無媒高臥成長策微官稱
下才詩人識何謝居士別宗雷跡向塵中隱書從
谷口來藥欄遭鹿踐澗戶被猿開野鶴巢雲竇游
龜上水苔新歡追易失故思渺難裁自有歸期在
勞君示劫灰

宿薦福寺東池有懷故園因寄元校書

暮雨風吹盡東池一夜涼
伏流迴弱荇明月入垂楊
石竹閑開碧薔薇暗吐黃
倚琴看鶴舞搖扇召桐香
舊筍方辭籜新蓮未滿房
林幽花晚發地遠草先長
撫枕愁華鬢凭欄想故鄉
露餘清漢直雲卷白榆行
鷺鵲仍依樹遊魚不過梁
繫舟偏憶戴炊黍願期張
末路還思借前思詎敢忘
從來叔夜懶非是接輿狂
衆病嬰公幹羣憂集孝暉
慙將多誤曲今日獻周郎

送王副使君還并州

并州近胡地此去事風沙鐵馬垂金絡貂裘犯雪
花曾持兩郡印多此五侯家繼世新恩厚從軍舊
國餘戍煙千里直過鴈一行斜想到青油幕長謀
出左車

送彭將軍雲中觀兄

聞說蒼鷹守今朝飲下鞬因令白馬將兼道覓封
侯略地關山冷防河雨雪稠翻弓騁猿臂承箭惜
貂裘設伏軍謀密坑降塞邑愁報恩唯有死莫使
漢家羞

送歸中丞使新羅

一作李益詩

東望扶桑日何年是到時片帆通雨露積水隔華
夷浩淼風來遠虛鳴鳥去遲長波靜雲月孤島宿
旌旗別葉傳秋意迴潮動客思滄溟迷舊路何處
問前期

哭張南史因寄南史姪叔宗

爭路忽摧車沉鈎未得魚結交唯我少喪舊自君
初諫草文難似圍碁智不如仲宣新有賦叔夜近
無書地閉滕公宅山荒謝客廬穢良從此恨福善
竟成虛釀酒多同醉烹雞或取餘阮咸雖永別豈
共仲容疎

丁籤十八李端之五

唐音統籤卷一百五十四

七言律詩

野寺病居喜盧綸見訪

青青麥隴白雲陰
古寺無人新草深
乳鷺拾泥依古井
鳴鳩拂羽歷花林
千年駸薛明山履
百尺垂蘿入水心
一臥漳濱今欲老
誰知才子忽相尋

宿淮浦憶司空文明

愁心一倍長離憂
夜思千重戀舊遊
秦地故人成遠夢
楚天涼雨在孤舟
諸溪近海潮皆應
獨樹邊淮葉盡流
別恨轉一作最深何處寫前程
唯有一聲

樓

江上逢柳中庸

舊住衡山曾夜歸
見君江客憶荆扉
星沉嶺上人
行早月過湖西
鶴唳稀
弱竹萬株頻礙
憤新泉數
步一褰衣
今來唯有禪心在
鄉路翻成向翠微

題元注林園

謝家門館似山林
碧石青苔滿樹陰
乳鵲貯巢花
巷靜鳴鳩鼓翼
竹園深
枯棹轉水兼通
藥方丈留
僧共聽琴
獨有野人箕踞
慣過君
始得一長吟

題故將軍莊

曾將數騎過秦乾，遙對單于飲馬鞍。
塞北征兒請用劍，關西宿將許登壇。
田園無沒歸耕晚，弓箭開離出獵難。
唯有老身如刻畫，猶期聖主解衣看。

夜投豐德寺謁海上人

一作盧綸詩

半夜中峯有磬聲，偶尋樵者問山名。
上方月曉聞僧語，下界林疎見客行。
野鶴巢邊松最老，毒龍潛處水偏清。
願得遠公知姓字，焚香洗鉢過餘生。

題雲際寺海上人房

高僧居處似天台，錫杖銅瓶對綠苔。
竹巷雨晴春鳥啼，山房日午老人來。
園中鹿麝藏枝動，潭底龍

游水涿開棚夜焚香禮遺像空林月出始應迴

題覺公新蘭若

頭白禪師何處還獨開蘭若樹林間鬼因巫祝傳
移社神見夫人請施山猛虎聽經金磬動獼猴獻
靈雪窓閑新齋結誓如相許願與雷宗永閉關

和李舍人直中書對月見寄

名卿步月正淹留上客藏詩怨別遊素魄近成班
女扇清光遠似庾公樓嬋娟更稱憑高望皎潔能
傳自古愁盈手入懷皆不見陽春曲灑轉誰酬

贈郭駙馬二首

郭令公子駁昇平公主令於
席上成 舊唐書曰昇平公

主賢明有才思大曆中端等十才子遊驢
門下每宴集賦詩公主坐視簾中詩之美
者賞百緡端先獻警句魚香荀令云云主
卽以百緡賞之錢起以爲宿構請以起姓
爲韻復云云云賸曰此
愈工矣起等始服

青春都尉最風流二十功成便拜侯金距鬪雞過
上苑玉鞭騎馬出長楸熏香荀令偏憐小傅粉何
郎不解愁日暮吹簫楊柳陌路人遙指鳳凰樓
方塘似鏡草芊芊初月如鉤未上絃新開金埒看
調馬舊賜銅山許鑄錢楊柳入樓吹玉笛芙蓉出
水妬花鈿今朝都尉如相顧願脫長裾逐少年

閑園卽事贈考功王員外

南陌晴雲稍變霞東風動柳水紋斜園林帶雪潛
生草桃李迎春未有花幸接上賓登鄭驛羞爲長
女似黃家今朝一望還成幕欲別芳菲戀歲華
憶故山贈司空文明

漢主金門正召才馬卿多病自遲迴舊山蹙別老
將至芳草欲闌歸去來雲在高天風會起年如流
水日長催知君素有棲禪意歲晏蓬門遲一作爾
開

戲贈韓判官紳卿

少尋道士居嵩嶺晚事高僧住沃洲齒髮未知何

處老身名且被外人愁欲隨山水居茅洞已有田
園在虎丘獨怪子猷綠掌馬雪時不肯更乘舟

贈道士

姓字不書高士傳形神自得逸人風已傳花洞將
秦接更指茅山與蜀通懶說歲年齊絳老耳爲鄉
曲號涪翁終朝賣卜無人識弊服徒行入市中

贈道者

空中忽有鶴飛聲方士因知道欲成來取圖書安
枕裏便驅雞犬向山行花開深洞仙門小路過懸
橋羽節輕還客自傷身易老不知何處待先生

代并歸荅賈客

一作妾薄命

玉壘城邊爭走馬
銅堤市裏共乘舟
鳴環動珮恩能一作無盡
掩袖低巾淚不流
疇昔將歌邀客醉
如今欲舞對君羞
忽懷賤妾平生好
獨上襄陽舊酒樓

山中寄苗員外

鳥鳴花發空山裏
衡岳幽人藉草時
旣近淺流安筆硯
還因平石布著龜
千尋楚水橫琴望
萬里秦城帶酒思
聞說潘安方寓直
與君相見漸難期
臥病聞吉中孚拜官寄元祕書昆季

漁家探使不求聲自慰文章道欲行毛遂登門雖
異質韓非入傳濫齊名雲歸暫愛青山出客去還
愁白髮生年少奉親皆願達敢將心事向玄成

寄廬山真人

高僧無跡本難尋更得禪行去轉深青草湖中看
五老白雲山上宿雙林月明潭色澄空性夜靜猿
聲證道心更說謝公南座好煙蘿到地幾重陰

送周長史

青楓樹裏宣城郡獨佐諸侯上板橋江客亦能傳
好信山僧多解說南朝雲陰出浦看帆小草色連

天見鴈遙別有空園落桃李知將絲組繫蘭橈

送濮陽錄事赴忠州

成名莫歎雙旌遠主印還爲一郡雄赤葉黃花隨
野岸青山白水映江楓巴人夜語孤舟裏越鳥春
啼衆壑中聞說古書多未校肯令才子久西東

送皎然上人歸山

適來世上豈緣名適去人間豈爲情古寺山中幾
日到高松月下一僧行雲陰鳥道苔方合雪映龍
潭水更清法主欲歸須有說門人流淚厭浮生

送馬尊師

一作送侯道士

南入商山松路深石牀溪水畫陰陰雲中採藥隨
青節洞裏耕田映綠林直上煙霞深舉手迴經丘
壠自傷心武陵花木應長在願與漁人更一尋

五言絕句

妾薄命

自從君弃妾憔悴不差人惟餘壞粉淚未免耿衫
句

拜新月

開簾見新月卽便下階拜細語人不聞北風吹裙
帶

感興

香爐最高頂中有高人住日暮下山來月明上山去

雜詩

主第辭高飲石象赴宵會金谷走車來玉人騎馬待

幽居作

山舍千年樹江亭萬里雲迴湖迎伍相聚雨送湘君

溪行逢雨與柳中庸

日落衆山昏蕭蕭暮雨繁那堪兩處宿共聽一聲
猿

晦日同苗員外遊曲江

晦日同携手臨流一望春可憐楊柳陌愁殺故鄉
人

贈胡居士

孔融過五十海內故人稀相府恩猶在知君未拂
衣

客行贈馮著

旅行雖別路日暮各思歸欲下今朝淚知君亦濕

衣

贈何兆

文章似揚馬風骨又清羸
江漢君猶在英靈信未衰

贈山中老人

白首獨一身青山爲四隣
雖行故鄉陌不見故鄉人

薦福寺送元偉

送客攀花後尋僧坐竹時
明朝莫迴望青草馬行遲

送郭良輔下第東歸

獻策未得意馳車東出秦
暮年千里客落日萬家
春

送陳上人遊春

獨將支遁去欲往戴顓家
晴野人臨水春山樹發
花

過故友墓

舊友無由見孤墳草欲長
月斜鄰笛盡車馬出山
陽

題雲際寺陳上人故院

周子純
白髮怱怱色青山草草心遠公仍下世從此別東
林

同司空文明過堅上人故院

我與雷居士平生事遠公無人知是舊共到影堂
中

聽箏

鳴箏金粟柱素手玉房前欲得周郎顧時時誤拂
絃

觀隣老栽松

雖過老人宅不解老人心何事殘陽裏栽松欲待

陰

和張尹憶東籬菊

傳書報劉尹何事憶陶家若爲籬邊菊山中有此
花

七言絕句

長門怨

金壺漏盡禁門開飛鷺昭陽侍寢迴隨分獨眠秋
殿裏遙聞語笑自天來

昭君詞

李陵初送子卿迴漢月明時惆悵來憶着長安舊

遊處千門萬戶主樓臺

閨情煩騎馬

月落星稀天欲明孤燈未滅夢難成披衣更向門
前望不忿朝來鵲喜聲

問張山人疾

先生沉病意何如蓬艾門前客轉疎不見領徒過
絳帳唯聞與婢削丹書

荅司空文明懷野寺舊居

自嫌野性共人疎憶向西林更結廬寄謝山陰許
都講昨來頻得遠公書

春晚遊霍林寺寄使府諸公

野寺尋春花已遲
背巖惟有兩三枝
明朝攜酒猶堪醉
爲報春風且莫吹

聽夜雨寄盧綸

暮雨蕭條過鳳城
霏霏颼颼重還輕
聞君此夜東林宿
聽得荷池幾落聲

送劉侍郎

幾人同入謝宣城
未及酬恩隔死生
唯有夜猿知客恨
峽陽溪路第三聲

重送鄭絳歸蜀因寄何兆

黃花西上路何如青壁連天鴈亦疎爲報長卿休
滌器漢家思見茂陵書

江上送客

故人南去漢江陰秋雨蕭蕭夢澤深江上見人應
下淚由來遠客易傷心

與道者別

聞說滄溟今已淺何當白鶴更歸來舊師唯有先
生在忍見門人掩淚迴

宿石澗店聞婦人哭

山店門前一婦人哀哀夜哭向秋雲自說夫因征

戰死朝來逢著舊將軍

宋終

丁籤十九

唐音統籤卷二十五

司空曙字文明

史云字文明

廣平人能詩為大曆十才

子之一登進士第從韋皋於劍南貞元中為水部

郎中終虞部詩三卷

唐志二卷宋志一卷

今編為四卷

徐獻忠曰

文明詩氣候清華感賞至到誦之口吻調利情意觸發可謂風人之度矣

五言古詩

關山月

蒼茫明月上夜久光如積野幕冷胡霜關樓宿邊
客隴頭秋露暗磧外寒沙白唯有故鄉人
聞笛

分流水

古時愁別淚滴作分流水日夜東西流分流水幾千里
通塞兩不見波瀾各自起與君相背飛去去心如此

早春遊望

東風春未足試望秦城曲青草狀寒蕪黃花似秋菊
壯將歡共去老與悲相逐獨作遊社人暮過威輦宿

送程秀才

悠悠多路岐相見又別離東風催節換談談春陽

散楚草漸烟綿江雲亦蕪漫送子恨何窮故關如
夢中遊人盡還北旅鴈辭南國楓樹幾回青逐臣
歸不得

七言古詩

迎神

吉日兮臨水沐青蘭兮白芷假山鬼兮請東皇託
靈均兮邀帝子吹參差兮正苦舞婆娑兮未已鸞
旌圓蓋望欲來山雨霏霏江浪起神旣降兮我獨
知目成再拜爲陳詞

送神

神之去迴風嫋嫋雲容與桂樽瑤席不復陳蒼山
綠水暮愁人

擬百勞歌

朱絲紐絃金點雜雙蒂芙蓉共開合誰家稚女着
羅裳紅粉青眉嬌暮粧木樨作牀牙作席雲母屏
風光照壁玉顏年幾新上頭迴身歛笑多自羞紅
銷月落不復見可惜當時誰拂面

殘鶯百轉歌同王員外耿拾遺吉中孚李端
遊慈恩各賦一物

殘鶯一何怨百轉相尋續始辨下將高稍分長復

促綿蠻巧狀語機節終如曲野客賞應遲幽僧聞
詎足禪齋深樹夏陰清零落空餘三兩聲金谷華
中傳不似山陽笛裏寫難成憶昨亂啼無遠近晴
宮曉色偏相引送暖初隨柳色來辭芳暗逐花枝
盡歌殘鶯歌殘鶯悠然萬感生謝眺羈懷方一聽
何郎閑吟本多情乃知衆鳥非儔比暮噪晨鳴倦
人耳共愛奇音那可親年年出谷待新春此時斷
絕爲君惜明日玄蟬催髮白

杜鵑行

作杜甫
詩者誤

古時杜宇稱望帝魂作杜鵑何微細跳枝竄葉樹

木中搶翹臂揜雌隨雄毛衣慘黑自領賴衆鳥安
肯相尊崇隳形不敢栖華屋短翮唯願巢深叢穿
皮啄朽觜欲禿苦飢始得食一蟲誰言養雛不自
哺此語亦足爲愚蒙聲音咽噓若有謂雛哺略與
嬰兒同口乾垂血轉迫促似欲上訴於蒼穹蜀人
聞之皆起立至今相効傳遺風乃知變化不可窮
豈知昔日居深宮嬪妃左右如花紅

長林令衛象陽絲結歌

一作李嶠詩誤
象大曆間人也

主人凋盤盤素絲寒女眷眷墨子悲乃言一作
答乃假使傷爲之八珍重脊失顏色手援玉筯不敢持始

狀芙蓉新出水仰坼重衣傾萬葉又如合歡交亂
枝紅茸向暮花參差吳蠶絡繹抽尚絕細縷纖毫
看欲滅雪髮羞垂倭墮鬟繡囊畏並茱萸結我愛
此絲巧妙絕世間無爲君作歌陳座隅

五言律詩一

公子行

纏臂繡綸巾貂裘窄稱身射禽風助箭驟馬雪飛
塵金埒爭開道香車爲駐輪翩翩不知處應是霍
家親

塞上曲

塞柳接胡桑軍門向大荒幕營隨日魄兵氣長星
芒橫吹催春酒重裘隔夜霜冰開不防虜青草滿
邊陽

早春遊慈恩南池

山寺臨池水春愁望遠生
踏橋逢鶴起尋竹值泉
橫新柳絲猶短輕蘋葉未成
還如虎溪上日暮伴
僧行

九日洛東亭

風息斜陽盡游人曲落間
採花因覆酒行草轉看
山柳散新霜下天晴早
鴈還傷秋非騎省玄髮白

成班

登秦嶺

見御覽詩

南登秦嶺頭
迴首始堪憂
漢關青門遠
商山紫水流
三湘遷客去
九陌故人遊
從此思鄉淚
雙垂不復收

望商山路

南見青山道
依然去國時
已甘長避地
誰料有還期
雨霽殘陽薄
人愁獨望遲
空殘華髮在
前事不堪思

下武昌江行

悠悠次楚鄉楚口下潯陽雪隱州清暗沙高蘆荻
黃漁人共留滯水鳥自喧翔懷土年空盡春風又
森茫

雨夜見投之作

出戶繁星盡池塘暗不開動寒涼氣度庭樹遠聲
來燈外初行電城隅忽隱雷因知謝文學曉望比
塵埃

喜外弟盧綸訪宿

靜夜四無隣荒居舊業貧雨中黃葉樹燈下白頭
人以我獨沈久魏君相訪頻平生有深集作分况

是蔡家親

同苗員外宿薦福常師房

浮生共多故聚宿喜君同人息時聞磬燈搖乍有
風霜塔疑水際夜木似山中一願持一作如意長
來事遠公

遇谷口道士

一見林中客閑知州縣勞白雲秋色遠蒼嶺夕陽
高自說名因石誰逢手種桃丹經儻相授何用戀

青袍

過錢員外

爲郎頭已白
跡向市朝稀
移病居荒宅
安貧著敗衣
野園隨客醉
雪寺伴僧歸
自說東峰下
松蘿滿故扉

過慶寶寺

黃葉前朝寺
無僧寒殿開
池晴龜出曝
松暝鶴飛迴
古砌碑橫草
陰廊畫雜苔
禪宮亦銷歇
塵世轉堪哀

閑園書事招暢當

聞鐘晝眠後
欹枕對蓬蒿
羸病懶尋戴
田園方詠陶
傍簷蟲挂靜
出樹蝶飛高
惆悵臨清鏡
思君見

對毛

澤上人見訪憶李端

鳴鶴秋色盡落日對寒山
避事多稱疾留僧獨閉關
關心歸塵俗外道勝有無閒
仍憶東林友相期久不還

題鮮于映林園

雨後園林好幽行迥

一作向

野通遠山芳草外流水

落花中客醉悠悠慣鶯啼處處同夕陽

集作自一陽春

望日暮杜陵東

題江陵臨沙驛樓

江天清更愁風柳入江樓鴈惜楚山晚蟬知秦樹
秋淒涼多獨醉零落半同游豈獲平生意蒼然聞
杜洲

和盧樓書文若早入使院書事

解帶獨徘徊秋風如水來軒窗濕繁露琴几拂輕
埃晨鳥猶在葉夕蟲餘鳴苔蒼然發高興相仰坐
難陪

和張大夫酬高山人

野客居鈴閣重門將校稀牙冠親轂拜龜印識荷
衣年久寒飈爽談餘暮角微蒼生須太傅山在豈

容歸

訓鄭十四望驛不得同宿見贈因寄張參軍
逢君喜成淚暫似故鄉中謫宦猶多懼清宵不得
終月烟高有鶴霜草淨無蟲明日郊超會應思下
客同

秋思呈尹德表說鄭洞

靜向懶相偶年將衰共催前途懼不集往事恨空
來晝景委紅葉月華銷
鋪一作綠苔沉思竟何有坐
結玉琴哀

贈庾侍御

年少身無累相逢憶此時雪過雲寺宿酒向竹園
期白髮今摧老清琴但起悲唯應逐宗炳內學願
為師

贈李端

共憶南浮樓

一作樓

日登高望若何楚田湖草遠江寺

海榴多載酒尋山宿思人帶雪過東西幾回別此
會各蹉跎

晚秋西省寄上李韓二舍人

書漏傳清唱天

■

禁旅秋鴈親承露掌砧隔曝衣

樓賜膳中人送餘香侍女收仍聞勞上直晚步鳳

池頭

江園書事寄盧綸

種柳南江邊閉門三四年
俗人那勝竹凡鳥不如
蟬嗜酒漸嬰一作思渴讀書多欲眠
平生故交在白首遠相憐

閑居寄苗發

漸向浮生老前期竟若何
獨身居處靜永夜坐時
多厭逐青林客休吟白雪歌
支公有遺寺重與安過

暮春野望寄錢起

一作耿
漳詩

草長花落樹靡病強尋春無復少年意空餘華髮
新青原高見水白社靜逢人寄謝南宮客軒車不
可親

獨遊寄衛長林

草綠春陽動遲遲澤畔遊戀花同野蝶愛水劇江
鷗身外唯須醉人間盡一作是愁那知鳴玉者不
羨賣瓜侯

秋夜憶興善院寄苗發

右軍多住寺此夜後池秋白與山僧伴無因洛客
愁卷簾霜霽滿日水悠悠若有詩相贈期君憶

惠休

龍池寺望月寄韋使君閣別駕

清光此夜中萬古望應同
當野山沉霧低城樹有
風花宮紛共遠水府皓相空
遙想高樓上唯君對

望一作庾公

病中寄鄭十六兄

集

倦枕欲徐行開簾秋月明
手便筇杖冷頭喜葛巾
輕綠草前侵水黃花半上城
虛消此塵景不見十年兄

寄天台秀師

天台瀑布寺傳有白頭師幻跡示羸病空門無住
持雪晴看鶴去海夜與龍期永願親旌屢呈功作
澄得問疑

寄準上人

昨聞歸舊寺暫別欲經年樵客應同出隣僧定伴
禪後峰秋有雪遠澗夜鳴泉偶與支公論人間自
共傳

雲陽館與韓紳宿別

故人江海別幾度隔山川乍見翻疑夢相悲各問
年孤燈寒照雨濕竹暗浮烟更有明朝恨離盃惜

史傳

唐音統義

卷二十一 五十五

上

卷終